



COMUNU DE JERSU

Provìncia de s'Ogliastra

Bia Vitòriu Emanueli, 160 08044 JERSU – Tel. 0782/7608 – Fax 0782/70681

www.comune.jerzu.org.it – E-mail: affarigenerali@comune.jerzu.org.it

S'OFISSIU LIMBA SARDA

BETAT SU BANDU PO SA PRIMA EDISSIONI DE SU CUNCURSU LITERARIU IN SARDA:

“*Ti contu un'istòria...*”

A su cuncursu podint pigai parti is iscritoris cun òperas fatas in calisiat barietadi de sa limba sarda.

Po pòdiri pigai parti a su cuncursu no si pagat nudha, ma sa partecipassioni cumportat su respetu de su regulamentu intreu.

Su cuncursu est dividu in tres setzioni:

- **PRIMA SETZIONI:** est aberta a totus is chi bolint partecipai, chene perunu lìmiti, e chi bolint iscriri in pissu de calisiat chistioni;
- **SEGUNDA SETZIONI:** est po is piciochedhus de s'iscola elementari e mèdia chi podint contai un'istòria de su connotu, o de sa tradissioni sarda o fincias calencuna cosa chi ant intèndiu in domu de is nannaus;
- **TERSA SETZIONI:** est a tema liberu e riservada a is istudentis de is iscolas superioris.

Si podit partecipai a una setzioni feti, cun d nu contu che depit tènneri no prus de ses (6) paginas, depit èssiri iscritu a machina (*computer*), manigendu “Word”, (Times New Roman 12, interlinea 1,5), in tres (3) copias e tocat a dhus fàiri fincias in formau digitali (CD-Rom).

Is cumponentus no depint èssiri istètius publicaus mai, ni premiaus in atrus cuncursus literàrius e no depint èssiri firmaus in perunu logu, ma tocat a dhus spediri in d una busta serrada, a su Comunu aintru de sa dì stabilia. A intru de sa busta, imparis a su cumponentu, tocat a pònniri fincias un'atra busta congiada e chi no siat trasparenti, cun d unu fòlgiu cun sa firma de s'autori, su nòmmini beru, su sambenau, s'indirissiu, nùmuru de telèfonu e in prus una decrarada auba s'autori impromit de arrespetai su bandu de su cuncursu e ca su cumponentu presentau est òpera cosa sua, ca no est istètiu publicau mai in librus o giornalis, ni mai premiau o singialau in atrus cuncursus. Po is cuncurrentis chi no ant cumpriu is digiot'annus, sa scheda de partecipassioni depit èssiri firmada de su babu o de sa mama.

Foras de sa busta tocat a iscriri a cali setzioni si bolit partecipai.

Is cumponentus, imparis cun su CD-Rom, depint arribai a su Cumunu de Jersu a custu indirissiu: “Cumunu de Jersu, bia Vitoriu Emanueli 160, 08044 Jersu (OG)”. Spedius cun sa posta o portaus in deretura a s'Ofissiu de su Protocollo de su Cumunu aintru de su bintitres de su Mesi de Idas de su 2010 (23.12.2010).

No ant a èssiri valutaus is cumponimentus chi presentint in su fólgiu calisiat singiali, chi possat fàiri cumprèndiri chini est s'autori.

No ant a èssiri valutadas mancu is istòrias chi ant a arribai a su Cumunu apustis de sa data stabilia (bintitres de su Mesi de Idas de su 2010 – 23.12.2010).

Oici coment'est stabiliu de sa Lei 196\2003 e modifìcas chi sighint, sa partecipassioni a su cuncursu cumportat de parti de s'autori, s'autorizassioni a su manìgiu de is datus personalis po totu su chi interessat su cuncursu. Po is chi no tenint ancora degiot'annus su chi contat est sa decrarada fata de su babu o de sa mama.

PREMIUS.

Is cumponimentus ant a èssiri giudicauas de sa Giuria de su cuncursu chi a s'acabu de is trabàlgius at a sceberai is primus. Su parri de sa Giuria est unu e cussu abarrat. Ant a èssiri premiaus:

- Su primu classificau de sa Prima Setzioni;
- Is primus tres classificaus de sa Secunda Setzioni;
- Is primus tres classificaus de sa Tersa Setzioni.

Is autoris premiaus ant a èssiri avvisaus luegu, e dhis at a èssiri comunicau su logu e s'ora de sa premiassioni e totu. Prémus e arreconoscèncias ant a dépiri èssiri donau a s'autori personalmenti. Chi custu no est possibili, tocat a informai su Cumunu e sa Cumissioni de modu chi su prémus possat èssiri cunsegnau a una persona autorizada cun dèlega de s'autori.

Su Cumunu non si pigat nisciuna responsabilidadi po is prémus chi no benint arritirau.

Is cumponimentus presentaus no ant a èssiri torraus a is autoris, e su Cumunu dhus podit publicai o manigiai in calisiat atividadi culturali.

Is autoris autorizant su Cumunu de Jersu a publicai is istòrias chene chi dhis ispetit nisciuna arrecumpensia. Dogna deretu de copyright de su cumponimentu abarrat perou a s'autori e totu.

Totus is istòrias ant a èssiri a disposissioni in su Logu istituzionali de su Cumunu a custu indirissiu: www.comune.jerzu.og.it, auba at a èssiri comunicau puru sa di e s'ora de sa premiassioni e s'ant a podiri arretirai totus is paperis po partecipai a su cuncursu.

Po tènniri calisiat informassioni: **OFISSIU LIMBA SARDA – Comune de Jersu, Bia Vitòriu Emanueli, 160 - 08044 JERSU (OG) - Tel. 0782/ 7608; Fax 0782/ 70681.** www.comune.jerzu.og.it – E-mail: affarigenerali@comune.jerzu.og.it

Il responsabile del servizio
F.to Dott. Antonio Piras